

আমার জন্যে (একটি রবীন্দ্রসঙ্গীতকে

স্মরণে রেখে)

মিঠু ঘোষাল

তোমারই জন্যে

শুধু তোমারই জন্যে গড়েছি নতুন পৃথিবী

এঁকেছি যতনা রঞ্জীন,সজীব ছবি।

শুধু তোমারই জন্যে,শুধুই তোমার জন্যে নদী।

গাছের ছায়া, রাতের মায়া

হাসিতে তোমার ফুল ফুটে ওঠে যদি।

তোমারই জন্যে শুধু

নীল শাড়ীতে সিঁদুরে রাঙানো বধু।

গোলাপী বাতাস,সাগর-পাহাড়,ঝরনা ধারা

তোমারই জন্যে সবাই তারা।

দেখো দূর নীলিমায় সূর্য-চন্দ্র, মেঘ মন্দ্র

রাতের দেহে জ্যাছনা রঞ্জ

ইন্দ্রধনু, মেঘমল্লার

সবই যে তোমার।

প্রজাপতি, পাখীর পাখা

পাতার বাঁশি সুরে মাখা

তোমারই জন্যে বৃষ্টি

সৃষ্টি-অনাসৃষ্টি।

বাঁধভাঙা জল, ছাপানো দুকূল

তোমারই জন্যে সাজানো বাগান

আশ্রমকুল।

সবই তোমার, তোমার জন্যে, তোমারই জন্যে

তোমারই জন্যে ধূপ ও মধুপ, পাখীর কূজন।

আমার জন্যে, আমার জন্যে শুধুই তুমি, শুধুই তুমি

শুধু আমারই জন্যে তোমার সৃজন।

আমার জন্যে তোমার দেহ, তোমার মন।

তোমার চোখের অশ্রু শ্রাবণ

নীলাভ যে ঐ সফেন স্বপন

যার তরে সব - আমিই সে জন।

তোমার বুকের দুঃখ-আগুন, সুখ ও ফাগুন

আমারই জন্যে তোমার ও রূপ

তোমারই গুণ।

আশা-নিরাশার দোল-দোলানি

দূষো যে এক, এক জন সে সূয়ো রানী

আমারই জন্যে, আমি তা জানি।

তোমার জন্যে দেউল-শ্মশান, সাধনা সোপান

তোমারই জন্যে কাব্য ও জ্ঞান।

তোমার জন্যে বসন্ত, তোমার জন্যে মধু

আমার জন্যে তুমি আছো এক, তুমিই আছো শুধু।

তোমার ওপর নির্ভরতা, আস্থা যে আর নির্ভরতা

তোমার সাথই গান ও কথা।

শক্তি তুমি, তুমিই আমার দুর্বলতা।

গলানো সোনার রোদে ভিজে

চাঁদের রাতে তারায় সেজে

সকাল-সাঁঝে তোমার কাছে

হার মানি যে নিজে

সমীপে তোমার, তোমার পিছে

সকল সময় বলে যে বেড়াই

তোমারই মাঝে আমি যে হারাই

তোমায় নইলে আমার প্রেম হ'ত যে মিছে।